


康熙朝城縣志



(清)祖植桐纂
(清)趙昶修

本書十卷，清康熙十二年（一六七
三）刻，據民國九年（一九二〇）刻本
影印。

纂修縣志序

自造書契以代結繩凡事關天下國家者靡不舉而載之方策所以志不忘也逮自唐虞設有尚官名之曰史其所錄之書畧無假貸論者等其權於天與君有由然焉自此以還萬國承風而有志志與史名殊而義一者也獨計史以載天下而於宇內之山川人物或有所遺志以載羣封而於天家之法度紀綱則有所缺之二者非宜兼舉以成一代之宏規者乎斯曲沃衛公所以有纂修通志之

朝城縣志卷之一

請也夫以郡邑之志體符國史纂修者固當祇肅以將事況有

命自天者哉是志之爲事至重而纂修之爲務至難不可不慎矣朝邑由續志旣成而後五十餘祀紀載無闕其間時異勢殊風土人物付之煙草雖有孟孝廉兆熊之遺編然厥功未集欽稿深藏諸如故老之傳聞已不勝凋謝之嗟矣頃緣奉檄修纂前令徐允登集邑名賢用與厥務桐於癸丑初秋承乏而與知焉諸賢各出所記更相搜羅而孟生據亦呈其先考

之藏本互爲參詳彙編十卷綱一而目幾六倍焉屬稿旣定而問叙於余余觀夫建革則有豐盈之恩疆域則有高深之慕賦役學校則知耕讀之兼成風俗禮儀則知古今之不遠踏職官而彙名義更成人之挺出無窮覽藝文而慕經綸益信文辭之祐生有自樂文之備而忘作之勞於是知朝封之志可以彙天下之編而進之

御前矣然是書之成也豈伊一人力哉孝徽諒始則有若前令徐允登署篆濮州州判李襄猷監修則有若

朝城縣志卷之一

儒學訓導劉元禧邑賢原任工部員外江世帶兼纂修則有若原任澂江府通判王猷遠舉人孟鏐拔貢李業恩貢孟兆圖歲貢張萬壽纂修則有若舉人趙昶歲貢賈世貞廩生張顥俊王名世孟鏞增生劉芳聞張雲鵬附生栗人極校正則有若附生謝堦陳止敬李翹森採輯則有若廩生王建中督梓則有若典史吳士斌幾經風雨幾閱晨昏理必從經體必依史有古綱目之遺微焉桐樂是編之成而堪爲不朽也故爲之叙其梗槩云

康熙十二年九月

山東東昌府濮州朝城縣知縣祖植桐謹撰

朝城縣志

卷之一

三

朝城縣志序

邑志纂成群頌我侯之嘉績曠舉郵傳而西余聞風不禁輟然曰朝邑其有起色矣乎往者侯製弁言邑人附其意而揚扞之例也余不敏其曷敢謝竊以志也者識也蓋謂識乎其地其人其事也昀昀原隰草天木喬水流山峙忽焉雕題畫棟古蹟奇觀繡錯於大塊之中而不朽者以出土氣厚則其人淳土脉靈則其人秀于是名公巨卿畸人義士接踵而振衣於上下千百年之間而不可沒者

朝城縣志

卷之一

四

又如是然有其人必有其事或豐功偉烈燦著旂常或幽德隱行干城名教何者不可垂令模而示則倣哉設使彤管不載簡冊無聞縱有龍游虎瞰之與區堯顓禹肩之人文補天浴日之鴻業亦終委之蔓草丘墟焉已矣此廬陵涑水必欲續魯史之傳燈而杜預鄭樵不辭考文獻於備美非徒然也伏遇

當宁右文特允輔臣之請遍徵天下郡邑乘以彙註一統之全書檄下無弗兢兢唯命十五國同風云

治走琅函芝檢於

闕下者何麟麟炳炳也余知展擇

宸聰當首推我二東何言之識其地不過岱嶽東海之盛識其人不過孔子之大識其事不過禮樂車書之美與夫魚鹽之富功利之強我邑雖壤地褊小亦得與編次之末洵不容不博稽逖覽訂殘補遺以勒成一代信史也溯志之由來曾重修於明萬曆戊午歷今五十餘年之地理蒸變賦役更定職官科貢似續俱付之闕如矣甚至燕井飛雨今

朝城縣志

卷之二

五

且淤塞臧公墓碣埋沒衰草河源汜壅而不可尋煙樓傾圯而莫之問我邑侯祖公以闕東華族來牧斯土輕徭薄賦百廢振興以其餘力修石燕井於梵宮窮馬頰河之故渠創建二賢祠重飭文昌閣允矣崇文教敦實行而仁聲仁聞洽被於疆域土田者將與雲日爭輝金石共永也余益竊然曰朝邑其有起色矣乎是役也肇於前任徐公閱數月而僅脫草而今乃集厥大成矣余不獲從事於諸君子之後分燈編摩而猶得瞻仰餘澤煥誦而

浩吟之是余之幸也夫是余之幸也夫謹識之以

充副車焉皆

康熙十二年日躔星紀之次

賜進士出身文林郎見任直隸順德府唐山縣知縣邑人孫纘頓首譔

朝城縣志

卷之一

六

舊志序

按周禮小史掌邦國之志大史外史掌書外令掌四方之志今郡縣之志固小史外史之遺也所關綦重哉吾邑故無志有之自天城周侯始時則嘉靖辛丑也迄今且八十禩矣往歲心海周侯雅意修葺之而未就丙辰秋晉陽張侯以奕世名家來撫吾邑甫三月政成化行即索邑乘觀之慨然嘆曰觀風問俗證今傳後惟志是賴今絕筆者垂三世其間有譌者缺者應增續者不亟修葺之恐杞

朝城縣志卷之一 岳序

一

宋無徵興嗟尼父矣惡得以不急之務視之又惡得以道傍之舍漫爲之於是諏日開局命宿儒歐生仕任及庠彥孟生孔傳等七人草其梗槩侯乃殫精竭思搜故典覈事實譌者正之缺者補之續出者增之修飾而潤色之越數月而告竣凡爲卷有十爲目二十有八上之而天文地理次之而戶口田賦微之而鳥獸草木以至循良之政績薦紳之懿行義夫節婦之雅操及廟堂之綸音與名公騷人之題詠洪纖悉具顯幽靡遺一展卷而宛然

目前方創稿侯令余寓目焉復屬余序之余不能以不文辭廼謬言曰志不欲太簡簡則恐掛一漏萬貽誚也亦不欲太繁繁則恐珠玉瓦礫並收也茲志也瞻而核精而確繁簡得宜紀載得體允可爲信史爲完璧哉河南許州志闕中武功志海內亟稱之吾邑茲志當與彼二志並傳不朽矣後之來牧吾邑者觀封疆則思保釐觀戶口則思撫循觀賦役之繁重則思節省觀循良之芳規則思媲美謂非此志激發之也不可不寧惟是卽邑之人

朝城縣志卷之一 岳序

二

閱茲志而有感焉將指其人而嘉之曰某也忠孝某也方正某也清白某也科名不媿而閭里增光是宜矜而式也又或指其人而議之曰某也混于名教中某也蕩于矩矱外是宜省而戒也可興可觀以勸以懲蓋不減三百篇矣小補云乎哉於戲侯之功偉矣侯太原之忻州人別號文海正德間二張侯先後令吾邑俱有善政而侯卽其後人也其操則冰蘖其才則霹靂手也諱君慈母並頌其人吏治文章卓冠當世行且膺內召秉鈞衡以澤

一邑者澤天下異日者將標之國史而華袞之循

良傳矣詎但烜赫邑乘已哉姑俟後之秉筆者

萬曆戊午夏六月之吉

賜進士通奉大夫奉勅整飭靖遠兵糧道食正二品

俸陝西布政司左布政使兼按察司副使邑人岳

萬階撰

明城縣志

卷之一 岳序

三

舊志序

夫志列國之史也周官外史掌四方之志凡夫體
國經野表年類事貞文景哲觀風問俗端於是乎
在朝城左跨齊魯右連趙魏壤沃風淳且近孔孟
之居文獻俱存豈乏憲典余丙辰秋來牧茲土視
篆之明日登耆碩於庭詢其所宜罷行者章程法
守罔不粲然可循惟邑乘闕焉非全無也舊有卷
若干傳覽既久殘廢頗多是修葺之宜急矣惜未
得其人既乃詢之朝人士眾以毆生仕任告以生

明城縣志

卷之一 張序

四

宿儒年且高習聞邑中故實余故改容禮之生卽
慨然草創脫稿授余余復懼邑先達方伯岳公暨
平遙侯周公總其綱集庠壘孟生孔傳張生鳳鳴
王公起蛟毆生雲陟張生德涵孫生觀泰張生名
儒集其成諸君子欣然不余拒於是乎別其卷次
定其門彙增其所未備賁其所未飭義例遵當代
之制體格兼諸家之規其卷凡十其目凡二十有
八是故首之圖經邑境在目中矣次之沿革古今
在旦夕矣分野以稽事應城池以固藩垣故次之

疆宇以慎封守市鎮以通有無故又次之從此而壯居處則建置急傳露布則舖舍又急從此而報神功取諸壇廟館賓旅取諸公署故志及之以表人文以章莫麗則於坊額山川以思往昔以仰徽猷則於古跡丘隴故志又次及之志田賦當撫字爲先而馬政兵防皆國家之急務志學校見教化爲本而風俗物產見土地之淳樸職官備紀其里氏而其功德之表著者叙之爲名宦人物統錄其行藏而其勛業之隆赫者揭之爲鄉賢志節烈所

朝城縣志

卷之一

張序

五

以徵女德志恩綸所以彰聖典志藝文所以見才品至於寺觀穴祥神異又淄黃之托居天地之奧秘也故列之爲外紀焉是編也綱舉目張如列眉武陽之梗槩雖千伯曠如在朝夕顧懿跡雖存於紙上而披閱實本於心源如觀一事則思一事之究竟何如評一人卽思一人之底蘊安在擷英茹莖勸懲雙係是隨志役精神亦隨志見瀟程是所貴于讀志者也不然徒涉獵以供快愉世非修志意也雖然又有說焉好奇者率創大觀多幸者

每逢盛事余固樂好奇者儔而得舉此曠典於地方或亦一時之幸也朝人其勿罪我

萬歷四十六年歲次戊午夏六月吉日知朝城縣事山西古晉陽張涇題於應宿之署中

朝城縣志

卷之一

張序

六

朝城縣志序

此篇乃康熙十二年序文已於序新刊本中書
與萬曆戊午李九章序合編今序已錄其後

郡縣之志悉按禹貢分野古今建置沿革與夫名

山大川關隘險易人物土產賢淑景行戶口田賦

無不備載以故觀風問俗必首及之今

皇上御極十有一年歲次壬子 輔臣曲沃衛公特疏

請

勅直省詳查山川形勢戶口丁徭地畝錢糧風俗人物

疆圉險要照河南陝西通志款式纂修成帙送內

史彙爲一編進呈

朝城縣志卷之一

序

七

御覽 撫臺恭奉

俞旨下所屬州縣如式纂修於以見我

朝雍熙之化版輿聿新大一統也猗歟盛哉凡百有司

敢不竭蹶從事六朝邑舊固有志班班可考已非

文獻無徵之比然或詳古闕今載大遺細非所以

式訓將來也且前志之後又經五十有餘年其間

豈無賢豪輩出名宦鄉賢素著者更值桑榆變後

時異事殊死忠死節不知其幾皆沒沒無聞將何

以垂令名於有示勸英特於靡寧乎此所以

萬曆戊午六月之吉朝城縣儒學教諭李九章頓

首拜書

朝城縣志

卷之一

序

八

朝城縣志跋言

修志之事僅博洽云爾乎抑公虛醇正是賴焉余
謬承祖邑侯及諸君子搦管之命竊思客歲任道
徵屬五志已爲蒐羅修葺詳序之矣况茲桑梓敬
止其何敢以不文辭又何敢以私心是任偏見是
執乎謹取嘉靖年間志萬厯年間志及濮陽志孟
孝廉家藏志段段參酌一一攷訂其有遺漏者必
僉曰此宜增入也然後增之其有浮蔓者必僉曰
此宜刪去也然後刪之其有差訛舛錯者必僉曰
月戎系志卷之二 跋言 九

此宜改正也然後改之先草創次討論次修飾又
次潤色彙集篇帙奉呈祖侯椽筆裁定然後付之
剞劂焉考諸前賢而不謬俟諸後世而不惑卽獻
之上臺播之鄰封展卷瞭然而一十七里事蹟
經數百年厯厯如在目前矣行見庶而富富而教
康叔遺風復觀今日一以罄吾儕勤勩慎重之心
一以體祖侯延攬諮諏之雅更以昭垂

皇清撥亂反治一統無外之宏規也若夫需節愛寓
懲備採問前志序之詳且悉矣茲何敢贅因記

編末惟日註誤踳鴟是懼耳卽云賦成覆瓿奚辭
哉罪甚罪甚

康熙癸丑菊月既望邑人王猷遠靜叟氏敬題于
眷德堂中



朝城縣志卷之二 跋言

修志約言

古稱三不朽而立言與功德並重大矣哉志之爲志也明而是非叢之幽而鬼神伺之且今日之志又非私爲一家言

旨頌自

朝廷命承夫

邑侯煌煌重典豈細故歟吾輩以薄材寡學獲與纂輯可幸也伊可懼也其何以副

邑侯之命何以稱志事之實何以服輿論而辭後

朝城縣志卷之一

二

議以不負

聖君賢相纂輯同文之意歟獨是三長不可強而矢公慎以盡厥心則有可勉者卽時勢有迫而此意不可不存故爲約數言與同契共道之

一採輯凡事蹟文藝與夫職官人物忠孝廉節有裨政治有關風化前志失載今冊未備者須實心採訪以光

盛典不得視爲故事以致遺失

一纂修操筆行文隨事立則須秉公處和衷相

其體例之當否議論之公私皆當詳慎務慊輿情

一監修凡志草成或事體有未宜字句有未安者須不避嫌忌從公指正無得簡默于前以貽後咎

一校正凡一卷成書役謄出卽細心檢對其中事蹟有錯落字畫有差訛必細爲說明改正勿致事後滋議

一置日課簿一本每日于各名下到者註一到字

朝城縣志卷之一

三

不到者空之以稽勤怠

一每日辰刻入局各照執事潛心靜理除商確疑難外無得任意喧嘩

一凡一卷成校正者校畢用校訖印于上監修者閱畢用閱訖印于上仍付纂修者親呈總裁鑒定批准發刊

一凡批准發刊者監刊吏卽送刊匠照式謄寫謄畢送校正者細心訂正無差方付匠役刊刻

朝城縣志綱目

卷之一

建革志

城池 公署 廟壇 坊額 鋪舍 橋梁
集市

卷之二

疆域志

星野 山川 丘隴 古蹟 名勝 官刹
物產

卷之三

賦役志

朝城縣志

卷之一

綱目

圭

卷之四

學校志

戶口 地畝 錢糧 胥役
兵防
學田 祭器 書籍 士制

卷之五

禮儀志

吉禮 凶禮 軍禮 賓禮
嘉禮

卷之六

風俗志

卷之七

職官志

節序 習尚 交際 宴會
訟獄
守令 縣丞 主簿 典史 教諭 訓導
名宦

卷之八

人物志

薦舉 科目 貢監 文學 武胄 孝義
節烈 封廕 條吏 鄉賢 僑寓

卷之九

藝文志

朝城縣志

卷之一

綱目

函

卷之十

災祥志

詔諭 文類
附詩
凶異 豐瑞

新志姓氏 皇清康熙十二年歲次癸丑

總裁

又林郎知朝城縣事祖植桐

監修

儒學司訓 劉元禧

工部員外 江世帶

兼纂修 徵江府判 王猷遠

舉人 孟鏐

拔貢 李業

朝城縣志 卷之一

五

恩貢 孟兆圖

歲貢 張萬燾

纂修

舉人 趙昶

歲貢 賈世貞

廩膳生員 張顯俊

增廣生員 劉芳聞

廩膳生員 王名世

增廣生員 張雲鵬

廩膳生員 孟鏐

附學生員 栗人極

校正

附學生員 謝琮

附學生員 陳止敬

附學生員 李翹森

採輯

廩膳生員 王建中

督梓

朝城縣志 卷之一

六

典史 吳士斌

舊志姓氏 明嘉靖十九年歲次庚子

總裁

朝城縣知縣周魯

監修

縣丞郭瓊

主簿李龔

教諭段彥

訓導李炫 湯世寧

監察御史王應邑人

朝城縣志 卷之一

七

纂修

歲貢謝註

校正

進士李繼宗

舉人周室 邵璋

歲貢石嵐 虞鯉 宋天祿

韓希皋 宋占文

督梓

典史薛翺

續志姓氏 明萬曆四十六年歲次戊午

總裁

朝城縣知縣張涇

監修

儒學教諭李九章

訓導張朝衣

胡一桐

纂修

陝西左布政岳萬階

朝城縣志 卷之一

六

鴻臚寺少卿張廓

平遙縣知縣周之度

校正

儒學生員 孟孔傳 張鳴鳳 王起蛟

歐士任 張德涵 孫觀泰

張名儒 歐雲陟

督梓

主簿史鏞

典史盛可繼


朝城縣志

圖經

按周禮職方氏掌王之輿圖所以辨方域識廣輪定位置也昔周公營洛位成倅來以圖及獻卜邑有圖由來尙矣朝以小邑界齊魯之間厯魏晉隋唐而後其間幅員之所距道里之所出城堞廬舍市鎮墟壠之所布錯安得展卷而燎若指掌乎爰繪諸左俾吊古者感江河之異撫今者懷葦成之艱

朝城縣志



縣治總圖



明城縣志

卷一

縣城圖





朝城縣志

卷之二

三

縣治圖





朝城縣志

卷之二


三

縣儒學圖



朝城縣志 卷之二

一



朝城縣志卷之一

建革志

粵稽禹復九州唐分十道沿革之見於天下有由來矣吾朝在昔亦巨區也降至後世不第或分或合割據靡常抑且爲郡爲邑省置互異由魏晉以迄金元名號統隸代各不一不詳列之何以爲考古之資而施宜今之務邪則建革之首悉宜矣至於城池公署之舊新廟壇坊額之存廢以及鋪舍橋梁集市之道里方會皆與吏治民生有攸關焉

朝城縣志 卷之一

政類而附之作建革志

唐虞屬兗州地

夏屬兗州

商屬王畿地

周初爲衛地

春秋齊魯衛界地

戰國爲魏地

秦屬東郡

漢置東武陽以在武水陽故名屬東郡兗州部莽曰武昌